



# DEO OPTIMO MAX. UNI ET TRINO.

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICA\*

QUOD LIBETARIIS DISPUTATIONIBUS,

manè discutienda, in Scholis Medicorum, die Jovis vigesima-sexta  
mensis Novembris, anno Domini M. DCC. LXVII.

M. Joanne-Baptista-Alexandro MAIGRET,  
Doctore Medico, Præside.  
*An Opium hystericis?*

I.



ULIERES affliguntur morbis compluribus. Nullus in eas, affectu hystérico sævit importuniùs. Græcis ille ὑστερικὴ νόσος audiebat & ὑστερικὴ πάθος. Latinis minùs cognitâ morbi sede, errore consimili, Passio hystérica nuncupatus. Morbus ille, si agrarum numerum spectes, frequentissimus est; si vim & ferociam symptomatum, atrocissimus; si ejusdem cum cæteris fere omnibus morbis communes larvas, signaque ambigua, fallacissimus. Campestrium locorum incolis mulieribus rara avis. In urbe degentibus tantum non à cunis familiaris. A parentibus ad natas tradux, hæreditario

\* A. A. ore M. Ludovico-Claudio BOURDELIN, Doctore Medico. 1725.

A

nonnunquam ortus jure, delicatuli corporis fovetur texturâ rariore, crescit victu lautiore, otio adolescit, firmatur animi pathematum consuetudine & vehementiâ. Inveteratus, sæpius iteratis paroxysmis fracto & languenti corpori altius infixus, omnem fere respuit medicinam: cachexiâ insigniore, appetitus prostratione, hydrope testium; judicii, ratiocinii, memoriæ, aliorumque mentis attributorum & functionum debilitate, læsione, privatione, non raro terminandus. Ab eâ peste rusticas vindicant mulieres, quæ cum ipsius causâ non bene conveniunt, victus simplex, mens curis vacua, laborum patiens corpus. Affectum hystericum descripseris potius quàm definieris. Illius quot symptomata, tot fere sunt morbi; quot signa, tot latentes doli, tot insidiæ. Ab iis nulla pars corporis immunis est. Ad caput delata causa morbi, cephalæam gignit, clavum figit hystericum, oculis infert vertiginem, caliginem obducit, aures inquietat tinnitibus, susurris, sibilis. Apoplexiam mentitur, odontalgiam simulat. Thoracis arcem ingressa, difficilem respirationem, inanem tussim, nesciamque expectorationis, suspiria, palpitationem cordis, lipothymiam, syncopem generat. Convulsis asperæ arteriæ œsophagique tunicis & diaphragmate, ab inferioribus ad usque laryngem, ascendentem æmulata globum, suffocationem minatur. Ventrículum illapsa, ructus nidorosos, nauseam multicoloris materiæ, vomitus enormes, colicam movet hystericam, biliosæ omnino similem, icteroque intensiore superveniente, brevi solvenda. In colo & cæteris intestinis rugientes borborygmos, diarrhæam excitat. Dolentia hypochondria spasmodicè distendit. In renibus veram exprimit nephritidem continuato per ureteres dolore. Quin & ipsi vesicæ eos affert cruciatus, quos faceret ejusdem stranguria, urinæque prohibens exitum calculus. Nec mitius agitur cum extremis partibus corporis. Illæ modò rigent frigidis cadaveribus similes, modò in spasmos actæ robustissimorum eludunt bajulorum vires, modò hydropem referunt, nullo impressi digiti manente vestigio, tumore matutinis horis protuberantiore, vespertinis demissiore. Huc accedunt nec voluntariæ, nec verecundæ artuum quaquaversum jactationes; huc vibrationes spinæ, non voluntatis, sed morbi imperio agitatæ. Adsunt lacrymæ risusque tristes pariter, pariter spasmodici. Tot inter atrocia symptomata non meliùs stat menti sua tranquillitas; nec illi in agro corpore licet esse sui juris & sanæ. Quot vexant corpus morboŕum facies, tot fere turbant insanientem animam affectuum procellæ. Hinc hystericarum inconditæ & absonæ vociferationes. Hinc earumdem mira proclivitas in odium, amorem, tristitiam, læticiam, iram, suspiciones, aliaque animi pathemata. Hinc facilis ab uno ad aliud quantumvis oppositum transitus. Si cum affectu hystérico hypochondriacum conferas, sexu mutato, unus idemque morbus est. In indagandâ stupendi adeò morbi causâ, infontem ne damnes uterum, dum aliæ delirant partes. Utero sufficiat suos pati manes; alieno liceat carere opprobrio. Rectius torpidi sanguinis spissorem culpaveris diathesim, vitiatumque inde spirituum animalium influxum in nervos.

*falsa* INCUSENT alii quantumlibet malignum miasma ad pulmones ca-  
*verum* putque elatum. Alii frigidum uteri causentur temperamentum. Hic  
 corrupti seminis prætexat frigus. Ille passionis hysterica originem à san-  
 guine flatulento nimis & tenuiore, quantumvis reclamantibus morbi  
 symptomatis derivare tentet. Maligno miasmati ad pulmones caputque  
 tendenti obstant uteri in hoc morbo sanitas, denegati itinerum aditus.  
 Ab utero frigidi temperamenti convitium removel, illius cum aliis par-  
 tibus musculosis membranosisque natura & officii consensus. Repellunt  
 corrupti seminis calumniam illæ agrotantes, quas à retentionis morâ de-  
 pravato semine laborare quis minimè somniaverit. Paribus affectio hyf-  
 terica laceffit telis innuptas nuptasque. Nec iis insolentior est mulieribus,  
 quas uni servire hymenæo libidinosior non patitur Venus. A sanguine  
 flatulentiore, serosiore, tenuiore, hunc affectum nasci vetant, illius  
 tum incipientis, tum proVecti accidentia; remedium hysterice saluta-  
 rium natura, operandi vires. Quid plura? Hystericorum symptomatum fa-  
*autem* milia fere omnis parentem agnoscit convulsionem. Illa sanguinis lento-  
*I a* rem plethoricum. Suum spasmodicæ affectioni conferunt symbolum  
*va* nervi; ab aliâ ipsi causâ male habentes. Illi nimirum vasorum tenuissimorum  
*va* vices gerunt, succo cuidam peculiari vehendo destinati. Vasculorum  
 nervos componentium summam exilitatem, patentes tamen meatus, &  
 ipse vidit, & speculandos exhibuit oculatissimus naturæ dissimulantis  
 scrutator Leeuwenhoek. Per hosce tenues adèò canaliculos circularur li-  
 quor. Succum nervum vocant, spiritusque animales. Eorum illa est fors,  
 ut nimirum ac cæteri liquores, sanguinis sint fetus. Ab ipso latice san-  
*Duplex* guineo, cerebri, cerebelli, medullæque spinalis ope seceruntur. Te-  
*causa* nuiiores futuri vel crassiores, acriores aut mitiores, pro sanguinis à quo  
*causa* fluunt indole, texturâ, crasi. In plurimis calidis morbis, à sanguine fa-  
*causa* libus acrioribus scatente separati, ad ferociam usque exasperantur. In  
*causa* aliis quibusdam, à pigro lentoque deducti cruore, torpidi & elan-  
*causa* gues, nativæque obliiti velocitatis, tardantur, sistunt. Habes hîc du-  
*causa* plices convulsionis causam & imaginem. Affectum hystericum à spisso ni-  
*causa* mium stricteque sanguine oriri indicant, quæ paroxysmi tragœdiæ præ-  
*causa* ludunt symptomata Illa sunt frequentes oscitationes, corporis totius  
 languor, pulsus exilitas, frigus intensissimum, anxietas animi, tristitia-  
 que supra fidem urgens. Hæc omnia autem quid designant, nisi sanguinis  
 spissitatem, imminutam velocitatem, moras? Quis ibi rarefcentem san-  
 guinem, brevioribusque æstuantem in cancellis imagnetur? Quis indi-  
 gnatum eundem & rarefactionis impetu ruptis carceribus sese effundere  
 gestientem suspicari possit? Nec minora præbent spissitudinis sanguinæ  
 indicia affectus alii symptomatici hystericarum. Quæ enim ut plurimum  
 eas affligunt cephalæa, clavus hystericus, tussis sicca, vertigo, difficilis  
 & anhelosa respiratio, cordis palpitatio, lipothymia, syncôpe, non  
 aliud indignant quàm hærentem intra capitis, pulmonum cordisque vasa  
 sanguinem. Non aliunde deduxeris ventriculi morsus, nauseam, vomiti-

tum, colicamque hystericeis familiarem, quàm à distentis vasis plethorico & spisso sanguine. Non aliunde spinæ dorsī cruciatus, intestinorum borborygmos & diarrhæas, hypocondriorum molestas distensiones, mentis que nephritidis dolores oriri asserueris, quàm à stagnante his in omnibus partibus sanguinis fluente. Ab eadem pendent causâ convulsiva alia symptomata hysterici affectûs. Ea ut depravatæ muscularis functionis factus sunt non ignorabiles, sic & ab inæquali sanguinis distributione & morâ in antagonistis musculis sobolescere nullus negaverit. Allatæ hujus morbi causæ alia quæris argumenta? Ea suppediet prægressus ut plerimum tristitiæ sensus, urinæ copiosæ, subitanæ, aqueæ, signum morbi pathognomonicum. Vide tempora circa quæ ut plurimum his symptomatis solet conflictari miser profectò sexus. Puellam intueri frustra desideratis menstruis pubesceniam, eam non pallidis magis deturpatam coloribus, quàm affectibus hystericeis vexatam reperies, languentemque. Mulierem eandem factam aut partim, aut omnino, ratione temporis vel quantitatis, menstrua si deficiant, hystericeam conspicies. Quis autem eam sic affici à nimia sanguinis lenti redundantia non fatebitur, qui menstrui fluxûs originem causamque probè noverit plethoram, ipsi Galeno nec incognitam, nec indictam? Lentoris sanguinei in hystericeis ulterius præbebit, nec fallax indicium, antihystericeorum medicamentorum energia. Quæ omnia cum morbum curent; dissolvendo, attenuando, fundendo sanguinis laticem, manifestum est eundem in eo morbo nedum flatulentus sit & tenuior, è contra cognitum & densari.

### III.

**I**NTER ea quæ sanguinem attenuare valent medicamenta, non ultimas tenet Opium. Succus papaveris ab antiquis ὁ πικρὸς dictus fuit, quasi ὁ πικρὸς καὶ ἰσχυρὸς. Huic scilicet succo inter alios omnes primas deberi censuerunt, à quo in humanum genus plurimum redundaret commodi & emolumenti. Quod autem vigiliis, labori, dolorique, somno succedit aut dulcius, aut optatius? Quam Opio frigiditatem veteres tribuere, eam non suavit medicamenti bene inspecta & cognita natura, intimiorque crasis. Errori ansam præbuere facta Opio cum cæteris reverâ frigidis medicaminibus comparatio, malè intellecti ejusdem agendi modi & effectus. Decocto lactucæ, in calidis quibusdam morbis, non secus ac in aliis diversis, Opio, consiliari somnum viderant: utrumque ab ejusdem qualitatis causâ procedere falso nixi fundamento asseruere. Adducti sensilibus Opio qualitibus neoterici, perspectisque illius principis de ejusdem naturâ non ambigunt amplius. Litem composuere sulphur volatile & sal acre, quibus turget illud medicamentum, caliditatis non dubii indices. Nec inter se tamen quamvis agnitis iisdem in Opio principiis, de illius operatione consentiunt Medici recentiores. Ab Opio ligari spiritus animales asserit, totus in eorundem explosione ad explicationem motus muscularis & convulsione causam, Willisius. Vim Opio somniferam sudoriferamque à torpidis illius ope factis spiri-



tibus deducit Etmullerus. Parcius scilicet influentibus in nervos spiritibus, pacatiusque, somnus ingruit; laxatis nervosis cutis staminibus, & denegatorum spirituum penuriâ concidentibus, teste eodem, effluit sudor. Somni quietem coagulatis & densatis spiritibus, obstructisque cerebri porulis à vaporosis quibus scatet Opium effluviis tribuit, accuratissimus aliunde Opiologiae Scriptor, Wedelius. Tantum potuit suadere erroris præjudicata de Opii sulphure, & spiritibus animalibus opinio! Ex velocitate nimirum humani corporis motuum, eisdem producentis causæ perniciatē & agilitatē æstimavere. Ita ut qui liquor effectus adeo multiplices, celerēque & subitaneos ederet, ille & supra fidem celerimē, & ignis ad instar deberet moveri, inde natæ explosionis & excarescentiæ voces. Quantum illæ igneis liquoribus & maximæ capacibus rarefcentiæ, pulverique pyrio congruunt, tantum à liquore dissentiunt nerveo. Ille solo fluiditatis momento naturales suas exsequitur operationes. Liquori nerveo intra exilissimos nervorum canaliculos fluenti & agenti sola sufficit partium extremarum percussio, ad ultimas nervorum propagines liquidi continuatē deferenda. Hac mechanicā sensuum motuum functiones lasas aut sanas facilius & simplicius explicaveris. Spiritus animales cum à sanguine profiscantur, non possunt ejusdem, quatenus fluidi, affectionum non esse participes. Spissus nimium, lentiores spiritus; agiliores, tenuior suppedabit sanguis. His ita, quidquid agitare & attenuare sanguinem valebit, illud & spirituum copiam & motum poterit instaurare. In Opio prædominium obtinent sulphur volatile admodum, & amara sal acrimonix Sulphura quantum rarefcere valeant; amara & acria quantum fundere, norunt omnes. Quis tale medicamentum in sanguinem delatum, illum cogere aut densare posse sibi finxerit? Quis potius ab eodem medicamine, principiis ad rarefcendum attenuandumque ita habilibus instructo, rarefcentiæ sanguinæ, attenuationis fluorem majorem non expectaverit?

## I V.

**A**B Opio assumpto pulsus elatior & somnus, sanguinis rarefcentiam demonstrant. Sudor, sudoremque excipientia litis & faucium ariditas, totiusque corporis pruritus, ejusdem sanguinis attenuatam compagem solutioremque factam exhibent. Ibi enim minimè suspicanda venit sanguinis congelatio, ubi prodit ab ipso sanguine fluidiore facto, ad calentis corporis peripheriam propulsum sudoris effluvium. Non aliâ mechanicâ Opium internè vel externè exhibitum doloris sequitur obli-vio. Quicunque enim humores, sui remorâ intra partes membranaceas, dolorem pariunt, illi ab Opio soluti, vel liberiori sanguinis circulo redduntur, vel foras sudoris aut urinæ formâ exeunt. Unde opium licet naturâ sit sudoriferum, aliquando tamen cohibitis aut spasmō aut fibrarum crispaturâ urinis, sit diureticum. Opii caliditatem & fundendi virtutem probant acida, quibus, vellent agri, tantum corrigetur. Illa ut densiorem faciunt sanguinem, ita & Opio omnem adimunt ener-

giam. Iis castratur melius quàm corrigitur. A quibus tamen nedum infringi, immo deberet intendi Opium virtus, si astrictorii inspissantisque medicamenti, potiusquam calidi & solventis, obiret munus. Tosti Opium non felicius correctio. Igne intensiore in auras abeunt magno mixti damno, & sulphuris penetrans odor, & pars salina volatilius multiplicis boni fons & parens. Assertum probat experientia. Incautum expectes ab Opio ignis ope correcto somni sudorisque dona, & indolentiæ beneficium. Ab acrimie medicamentorum aromaticorumque mixtione, si non augetur, fovetur saltem Opium potentia. Testis Laudanum liquidum Sydenhamii, cardiacum æquè diaphoreticum & hypnoticum. Feliciter adhibetur Opium adversus eos morbos in quibus spissior sanguis, calcare indigus non fræno, solvi potius quàm densari postulat. Hujus sunt indolis tussis, pleuritis, capitis dolor, febris intermittens, dysenteria, aliique morbi complures, ejusdem causæ effectus, solâ sæpissimè partis ægrotantis functione debilitatâ aut læsâ discriminari. Ille & medicamentorum potentiam agendique methodum nescit, morborumque naturam, & fiendi modum ignorat, qui uni curandæ ægritudini unicum sat semper esse censet remedium. Non inde tamen fias Polypharmacus. Ægrotanti novam accerseret ægrimoniam indigesta medicamentorum farrago. Medium periti tenere. Non solis ipecacuanha & kinakina curantur dysenterici febresque. Non solis tantum dysenterici aut febribus medelam afferunt præstantia hæc duo medicamina. Idem de Opio jure existimaveris. Non in somni conciliatione, dolorisque sedatione quiescit egregii aded medicamenti virtus. Innumera alia præstat eodem derivata fonte, iidem oriunda principiis. De illius in sanguine liquando efficaciam hæres adhuc dubius? A ratiociniis ad physica transeamus experimenta. Cum sero sanguinis humani mixtum laudanum liquidum compagem illius tenuiorem effecit. Ab eadem Opium præparatione, sanguis caninus ab arteriâ secunda recenter extractus, rutilantiorem adeptus est colorem, majoremque tenuitatem. Ea forsitan cæspitanti nondum faciunt satis. Aliam nimirum Opium vim in sanguinem extra vasa stagnantem, alia in eundem fluentem intra vasa conjicies aut suppones. Refragrantem audi autopsiam. In venam canis jugularem iniecit panaceam Opium liquidam D. Freind, solers æque in tentandis experimentis, ac fidus in referendis. Intra quatuor horarum minuta defuncto animali & aperto, sanguis è venâ cavâ & aortâ descendente effluere visus est admodum tenuis & rutilus. Pulmones rarefacto rubescebant turgebantque sanguine. In corde sanguinis maxima fuit fluiditas, nullo vel levissimi coaguli superstitie vestigio. Membra diu post mortem non riguere. Tantum ab Opio incaluerant! Alteri cani propinato laudano Londinensis, mortem brevi tempore succedaneam antecessere tremor, spasmus, immanisque salivatio. Sanguis in cadavere rarus admodum tenuisque supra fidem repertus est, distentis maximè arteriis venisque omnibus. I nunc, & dubita de virtute Opium attenuante.

**D**EBITA fruuntur Venere quibus licet. Maximè naturali licità que hac medicinā morbi hysterici propellant insultus; eosdem præcavere sperent. Urinam nunquam incassum. Nec invidebunt nec morabuntur illæ, quibus ut prohibitam fugiant voluptatem, concessam etiam, muliebriter aliquando dedignentur, faciunt animum, pudor innocuus, voti Religio, suscepta vitæ ratio, præconcepta de maritali capistro tædia. Eas aliud rebus in arctis manet solatium. Ad Opium confugiant intrepidæ. Ab eo & doloris lenimen & malorum præsidium reposcant. Rarè faller, modo prudentis Medici porrigatur manu. Ille remedii exhibendi explorabit opportunitatem. Vacuari prius curabit stomachi officinam, intestinorumque gyros, ne à viscidis, tenacibus, acidisque materiis impediatur aut infringatur medicamenti virtus. Liberandis ab importuno sanguinis plethorici & spissi onere vasis, allaborabit non inutili providentiâ. Locum scilicet postulat qui rarefcere ab Opio debet sanguis. Ille, si spatium vasa negaverint, fractis obicibus ampliora affectabit conceptacula. Non aliâ ratione operantur emmenagoga omnia, & Opium ipsum, inter illa jure potissimo annumerandum. Dosim Opium non tam certo quodam pondere aut mensurâ determinandam existimes, quàm Medici solertiâ & sagacitate. Savientibus admodum doloribus ea dosis irrita evadit, quæ aliàs maximè fuit efficax. Quanta nimirum corpori ægro sit doloris accessio, tanta incumbit Opio detractio suæ virtutis. At Opium præ tenuitate vix ac ne vix quidem expectorandos, acrimoniâ maximè molestos catarrhos sistit? Dysenterias sanat & diarrhæas? Ibi opium vim sudoriferam diaphoreticamque boni hujus authorem agnoscas. Alegatis ad corporis peripheriam, perspirationisque & sudoris organa humoribus, minor sit eorumdem ad partem læsam appulsus. Nec objicias ab opio sanari hæmorrhagias, & inde astringens Opium stypticumque proclames. Hic efficaciam Opium in attenuando spisso nimis sanguine, & vim vasis ad fracturam inferente, recognoscas & fatearis. Hanc hæmorrhagiam quæ à dissoluto nimum sanguine, separatis ab invicem & destructis naturalibus illius principii oritur, totius Opio Thebaidos experieris insanabilem. Nec Opio frigiditytis inuras notam, cujus dosis solitâ minor studiosis hominibus distinctiorem idearum evidentiam conciliat, & acutiorem mentis perspicacitatem. Non sine calidæ virtutis momento tumores resolvit Opium. Non sine eadem arthriticorum nodos ad duritiem usque exsiccat. Quod Turcis animos addit ad prælium, ebriosque eosdem ac lymphatos reddit: Quod Indos ad inexputabilem, numeroque prodigiosam Venerem stimulat, an frigidi poterit incurere medicaminis injuriam? Videtur & ipse Hippocrates Opium agnovisse caliditatem. Ille ad cordis suffocationem, difficilemque in hysterici mulieribus respirationem, hypnotici papaveris succum suadet, ruta, abrotoni, aliorumque calidorum sane medicamentorum vica-

rium. Quid verbis opus est? Vi solvendi sanguinem in Opio detectæ & assertæ debentur omnia illius phænomena. Eâdem attenuantis Opii virtute somnus ingruit, mitescit dolor & evanescit, diaphoresis effluit, erumpit sudor, urinæ laxantur, hæmorrhagiæ sistunt, cidentur menses, convulsæ parti motûs accedit reciproca æqualitas, curantur morbi ab imminutâ perspiratione pendentes, eâdem ad corporis ambitum repulsâ tollendi. Affectum hytericum à strido nimis & spisso sanguine oriri indicant & evincunt morbi symptomata, tempora, remedia. Opii in fundendo & rarefaciendo efficaciam ratio conjicit, detegunt physica experimenta, fulcit autoritas, & inconcussio firmat fundamento his omnibus potior quotidiana Medicorum experientia.

### *Ergò Opium Hystericis.*

#### DOMINI DOCTORES DISPUTARI.

*M. Joannes - Baptista  
THURANT.*

*M. Alexander - Dionysius  
DIENERT.*

*M. Exuperius - Josephus  
BERLIN, Supremi Valachia & Moldavia Principis Medicus, Antiquus Regis Exercituum & Castrorum Medicus primarius, necnon è Regia Scientiarum Academia.*

*M. Ludovicus-Petrus-Felix-  
Renais LE THIEULLIER,  
Regis Consiliarius & in  
Majori-Consilio, necnon  
in magnâ Regia Domûs  
& Franciæ Præfector  
Medicus Ordinarius.*

*M. Carolus GEILLE DE  
SAINT-LEGER, Eques,  
Consiliarius Medicus Regis  
Ordinarius, Frimi ordinis  
& totius Equestris agmi-  
nis in Exercitu Medicus  
Primarius.*

*M. Carolus DIONIS.*

*M. Petrus-Ludovicus-Ma-  
ria MALOET.*

*M. Antonius GARNIER.*

*M. Gedeon DE RABOURS.*

Proponebat Parisiis LUDOVICUS HENRICUS BOURDELIN,  
Parisiinus, Saluberrimæ Facultatis Medicinæ Parisiensis  
Baccalaureus. A. R. S. H. 1767, à sextâ ad meridiem.